


اداره خانه سی باب عالی جاده سنده
۵۲ نومرولو « شرکت مرتبیه »
مطبعه سیدر.



استانبول ایچون سنه لکی مطبعه دن
آلتیق شرطیله ۴۰، طشره لره پوسته
اجرتیله برابر ۶۰ غروشدرد.

مجله اولنور

امور تحریریه ایچون فؤاد بکه
وامور اداره ایچون آرتین افندییه
مراجعت اولنور.



مسلمزمه موافق آثار قبول اولنور.
درج ایدلین اوراق اعاده اولماز.



نسخه سی ۱ غروش

پنجشنبه کونلری نشر اولنور ادبی، فنی و صناعی غزته در

نسخه سی ۱ غروش

قوشلری ال مقبول اطعمه دن معدود در . هندستان اهالیسی ده ماله نزیالیر کی بوقوشلری یرلر .

خلاصه اوسه آتیا سیاهیلری آراسنده احتیاجات طبیعیلری ال زیاده مشکلاته تهرین ایدیهیلن اقوام طاسمانیا و اوسترالیا لیردر . یکی کینه ده ساکن اولان پابولرله جزائر متجاوره سکنه سنک و یکی قاله دونیا و یکی هبرید آطه لری سیاهیلرینک حاللری بولرله نسبتله دها اییدر . پاپو عرقته منسوب قبائل سائر خلقی متنوع نباتات غدائییه یتیشدیرن سولومون ، یکی بریتانیا و یکی ایرلندا کی اطلرده ساکن اولورلر . یکی قاله دونیاده هندستان جویری ، موز و میوه سی قاوونه بکزه ی و فرنکار طرفندن پاییه تسمیه ایدیلن اغاجلرله شکر قامشی مبدولدر .

بولنیزیا ده طرز نفری

یکی زه لاند ااطه سی مستثنا اولق اوزره بولنیزیا نك آز چوق بر وسعته مالک اولان جزائر مجتمه سی مدارین آراسنده لطیف و پك آز متحول براقلیم بحریده کائندر . ال صیحا ق موسمه یعنی تشرین ثانی و کانون اول آیلرنده نوقاه یواده مقیاس الحراره کوندز کولکده ۲۹ : ۳۳ و کیجه ۲۶ : ۲۷ درجه یی اشعرا ییدر . شباطده مقیاس الحراره ۲۴ درجه دن آشخی دوشمز . بو طر فلرده تلبس لزوم سزدر . یاغور اولسه احتمال که برمنسکنه التجا اتمک احتیاجی ده حاصل اولمازدی .

بتون بواسطه تشکلات ژه اولوژی اعتباریله اراضی مادره بوری یعنی کلسیدن عبارتدر . اکثرینسک اندفاعات وولقاندین دولایی ترفع اتمش اولدینی محققدر . اراضینک طبیعتی مقتضیاتندن اوله رق معادن هان یوق حکمنده در . یرلیرک سلاح یابدقلمی برنوع یشم و بیلان طاشندن باشقه سرت طاش ده یوقدر .

حیوانات بحریه اصدافنی ، کوپک بالغنک دیشلری و حشیلر سلاح مقامنده قوللانیرلر . طاتلی صو پک اندر اولدینی جهته اهالی درین قیولر قازمق مجبور یتنده درلر .

اجناس حیوانات ده نباتات کی محدوددر . بوجزائر هیچ برزمانده ، دور نالشدن بری بر قطعه ایله متصل بولمغیدن بورالره مخصوص اولان حیوانات و نباتاتک تصادفاً ادخال ایدلکینده اشتباه ایدیهلر . حقیقت حالده بولنیزیا نباتاتی هندستاندن و آمریقاندن نقل ایدلشددر . بوقطعه ده حیوانات پک آزددر . انسانلرک ادخال ایدیلدیکاری بعض اجناسندن باشقه حیوانات یوزه رک و یاخود او چارق کله ییلشددر . کرتشکله وزواحفدن پک آز بولور ، قوشلر اعلی الخصوص پایاغلر آواسترا لیا و یکی کینه ایله ۱۵۰ درجه آلتی دقیقه طول غربیده کائ روروتو ااطه سی آراسنده کی جزائرده پک چوقدر . بو طرفلرده فاره دن ، یکی زه لاند و یکی قاله . دونیا اطله رنده بولنان برنوع بیوک یاراسدن باشقه حیوانات ثدییه یوقدر . انسانلر طرفندن ادخال ایدلمش اولان طیور بیتیه یاق ااطه لرینه قدر کورولور . بورالرده کوپک و دو- موزه تصادف ایدلکده ایسده اکثر جزائر صغیره ده بولرده کورولمز ؛ حتی یکی زه لاند ااطه سنده دوموزک پالکر اسمی معلومدر . یکی زه لاند اهالیسنک کوپکاری تلکی به مشاهددر . اورمانلرده حال وحشته یاشایان بو حیواناتی اطله لیر تائیس ایدیهیلشددر .

بتون بوجزائر مجتمه ده نباتاتک متعدد جنسلری یوقدر . غریزیا هک روایتنه کوره طاتی قی و مارکیژ اطله رنده انجق یکریمی سکر یاخود اوتوز جنس نبات بولنه ییلشددر ؛ فقط بولنرک برقاچی پک مهمدر . ازجهله واسع اورمانلر تشکیل ایدن ، ال کوچوک اطله رده بیله نشو و نما بولان هندستان جویری اغاجلرندن یرلیر برچوق مأ کولات و مشرو-

بات چیقاردقلمی کی کراسته وایپ احضار ایدرلر . هندستان جویری اغاجلریله برابر نشو و نما بولان و طبیعینجه « آرتو قاربوس این سنیرا » تعبیر اولنان اتمک اغاجنک اوتوز اوچدن زیاده نوعی وارددر . بو اغاج طاتی قی ده اوقدر مبدول ، او درجه اهلیششددر که تخم ایله نشو و نما بولق قابلیتی محو اولوب یالکر چلیکلردن حاصل اولمقددر . اتمک اغاجنک بولندینی قطعه لرده ساکن اهالینک زراعتله مشغول اولدقلمی آگلشیلیر . طاتی قی ده کترتله نشو و نما بولان اتمک آغاجی علی العموم اطله رده وبالخاصه یاق جزیره لرده بولمازدی . اوراده برده طبیعینک دیوس قوره آ . تعبیر ایتدیکاری آغاج وارددر که آلتا ، بول- بی فیرا ، پانتوفیلا و آ کوله آناه ناملریله درت اهلی و بر وحشی جنسی موجوددر . غریز- باه فیجی اطله رنده بونک الیدن زیاده نوعه تصادف ایتشددر . بونباتک الی آی محافظه ایدیهیلن کوکلری بعضاً یکریمی بش کیلو غرام ثقلتده در . بر چوق یرلرده بوندن سنده ایکی دفعه مخصوص آلمقددر . قولو- قاریا اسکولانتا دینیان برنوع برنجدن بوراده پک چوق حاصل اولور . بونک برهکتار اراضی به زرع ایدیلن مقداری یالکر اوچ کشی ایله اداره ایدیهیلدیک حالده برچوق کیسه نک تعیشنه کافی محصول ویرر . طاتی قی ده بوندن باشقه قاریقا پاییا و موز اغاجلری ایله طاتلی پاتانه و شکر قامشی ده مبدولدر . شو قیمتی نباتاتک اکثری اصول زراعتک مجهول اولدینی یکی زه لاند ااطه سنده معلوم دکلدی . ایتالیا جسامتده بولنان بو جزائر مجتمه ده یالکر بیك نوع نباتات وعلیه نشو و نما بولهرق بولردن فصیله سرخسیده منسوب اولان یوز اون بش نوعدن بعضیلری وحشیلر طرفندن اطعمه مقامنده قوللانمقددر .

آمریقاده طرز نفری

معتدل ، مثبت و یکنسق اولان بولنیزیا-

ده کی اهالی به نسبتله آمریکا اقوامنک طرز تغدیلری دها باشقه یوله در . آمریکا بر قطبدن دیگر قطبه قدر امتداد ایتش واسع بر قطعه اولوب یوکسک سلسله لر، کنیش یایلار، دوز اووالر شرائط اقلیمه سی حس ایدیه جک صورتده تعدیل ایله مشدر . قدیم مکسیقا و پورو اهالیسی بوشرائط اوروغرافی سایه سنده مکمل و منتظم حکومتار تشکیل ایتشاردر .

آمریکا قطعه سنک کشفندن اول مکسیقا و پورو اهالیسی پولنیز یاده اولدینی کبی یالکز نباتات ایله تعیش ایدرلردی . اوروپاده معلوم اولان حبوبات بو طرفلرده مجهول ایدی . مشاهیر ارضیونندن علیکساندر دوهمبولدک روایتیه کوره بوکون یتهر اقالیماته اهالیسنک باشلیجه ما کولاترندن اولان موز آغاجی او زمانلرده معلوم دکلدی . ینه مومی الیهک بیانه نظر آ موز آغاجنک میوه سی بغدادیه نسبتله یوز اوتوز اوچده بر، یر الماسنه نسبتله قرق درنده بر راده سنده در . حبو - باتدن یالکز مصر داریمی مکسیقا ایله پوروده زراعت ایدیلر و اهالینک باشلیجه غداسی تشکیل ایدردی . بوندن باشقه طبیعئونک قونولولوس باناس، اوقسالیس توبه روزا، دیوس قوره آ - آلتا، یاتروقا مانهوت تعبیر ایتدکاری نباتات ایله قاقانو میوه سی، برآ و بحرآ صید ایدیلان حیوانات، هندی و حیوانات ثدیهدن مکسیقاده بولنان برجنس کوپک باشلیجه ما کولاتدن ایدی . فدر ناندزک روایتیه کوره، کشفندن اول مکسیقاده بولنان اوچ جنس کوپک اوروپا کوپکلرینه قارشى رقابت حیات ساقه سیله صوکردهن محو و منقرض اولمشارددر . دی یاز پولنیزیا کوپکلرینه یک چوق بکزمین بو حیواناندن بر دانه سی کورمهش واتندن یشدر .

مکسیقاده جاری اولان عادات و عماراته تماماً معکوس بر مدینه مالک اولدینی ظن

ایدیلن پوروده یر الماسیله شنه بودیوم کوئی نوآ دینیلن نباتات زرع ایدیلر و لاما و آلباقا تعبیر اولنان حیوانات کال دقتله یتشدر یلیردی . پورو و مکسیقا حکومت قدیمه سنک بولندینی اراضی معتدله مستثنا اولق اوزره اوروپا لیلرک ووردندن اول آمریکا قطعه سنده ساکن اولان اقوام وحشیه طرفندن شوراده بوراده و میسیسیپی واورده نوک نهرلری حوضه لرنده بعض نباتات زرع اولنور ایدیه سده تانیس ایدیه مین و ذاتاً اغدیه حکمنده اولمایان "بون نباتاتک او درجه اهمیتی اوله میسه جنی درکاردر . قبائل مذکوردهن اکثری صید بحری وبری ایله تعیش ایدرلردی چونکه بو طرز تعیش اساساً قولای اولدینی کبی حال وحشته پک الیرشیدر .

خط استواندن اوزاقلاشدجه مدنی اولمایان ممالکده باشلیجه اغدیه نک نباتاتدن عبارت اولدینی کورولور . مثلاً شمالی آمریقانک واسع چایرلرنده ساکن اولان انسانلر یالکز یزون تعبیر ایدیلن بر نوع وحشی حیوانک اتیه یاشارلر . یک وکچی بی اغدیه دن عد ایتک لازم کلیر سده یرلیر فوق العاده براحتیاج حس ایتدکجه کندیلرینی ییه جک وکجه جک تدارکندن مستغنی عد ایدرلر .

راهب دومنخک روایتیه کوره، سن لوئی شهرنده ۱۸۴۹ سنه سنده یوز اون بیك اوکوز، کچی وکیک دریدی صايتلشدر . آمریکا قوم پانیلری سنوی طقس سان بیك اوکوز دریمی مبیاعه ایتدکده درلر . کشفندن اول شمالی آمریکا آروقاتیا و پاتاغونیا سکنه سی قیرمزی وحشیلر کبی ماجلانی بوغازینه قدر اولان اراضی وسیعده کثرتله صید ایدیلن بر نوع بیانی کچی صیدیه تعیش ایدرلردی . بوکون اوروپا اتلری و اینسکاری آمریکا صحرالزنده کثرتله یتشدر یلمکده و کشفندن یک چوق مقدم تأسیس ایدلمش

اولان غوا آناق ایله طبیعئونک ره آ آمریکا نا تعبیر ایتدکاری بر نوع دوه قوشی صید ایدیلوب یتدکده در .

آمریکا قطعه سنک اک صوکه نقطه لرنده نباتات و حیوانات ثدی اندردر . بورالزده ساکن اولان اهالی صید ایتدکاری حیوانات و دکر دن طوطقلری بالقبر ایله تعیش ایدرلر . دها شمالده اقامت ایدن اسکیمولر فوق و بالینا بالقلری و مختلف الجنس اسماک و سائر حیوانات بحریه ایله تأمین حیات ایلرلر . رهن دینیلن کیکلر بورالزده اهلی حالنده اولوب اسکیمولرک باشلیجه ما کولاتیدر .

عقلاً شمالی آمریکا اسکیمولرینک مادوننده اولان فوه جگر کوپکدن باشقه اهلی حیواناته مالک اولما دقلرندن قوقش بالینا یالقلری و حیوانات بحریه ایله تعیش مجبوریتنده بولنورلر . ارض الازده بعض اثمار عینیه و شکر طعمنده و لعابی حاوی منظارلردن باشقه قابل اکل نباتات یوقدر .

﴿ آسیاده طرز تعدی ﴾

آسیا قطعه سی ارض النار نسبتله ارض موعود حکمنده در . شمعی به قدر بحث ایتدکجه ممالکده نه درجه مشکلات و ضرورتله تأمین حیات ایدلرکنی سوبله مش ایدک . بوراده حیواناتک، اوراده نباتاتک ندرتی واردی . آسیا قطعه جسمه سی هیأت عمومیه سنه نظر آ طبیعتک اک زیاده مساعده سنه مظهر اولدیغنده شبهه یوقدر . آسیاده هر اقلیمه مخصوص اولان نباتات، انسانلرک احتیاجات طبیعیه لرینه یک چوق خدمت ایدن حیوانات یک مبدولدر . فقط بتون بو حیوانات و نباتات هر ممالکک شرائط اقلیمه و ایجابات موقعیه سنه کوره بالطبع بر طرفده دها آز دیگر یرده دها چوقدر . هندوستانده و هند چینک بعض طرفلریله جاوا، صوماترا و بورنه نو آطه لرنده هندستان جویری ایله اتمک آغاجلری موز